

幼科證治準繩 七之二

漢書門			
13011	二	一	六
函	架	冊	類

13011  
函架冊

內閣文庫	
番號	漢 13011
冊數	65 ( 53 )
函號	301 63










醫學館寄宿  
寮書籍之記



# 瀉

曾論瀉之原有冷瀉熱瀉傷食瀉水瀉積瀉驚瀉風瀉  
 臟寒瀉疳積釀瀉積種種不同各分於後  
 冷瀉多是白水瀉密而少腹痛而鳴眉皺目慢面帶白色  
 額有汗多用冲和飲慢驚當歸散潮熱合和水煨薑煎服并守中湯本條參苓白朮散不乳食益中膏本條  
 沉香檳榔丸不乳食治之熱瀉大便黃色如筒吊水瀉過即止  
 半日復然心煩口渴小便黃少食乳必飧先用五苓散驚或大順飲吐次以錢氏白朮散瀉末

初月七

五八



瀉  
之香薷散吐瀉亦佳傷食瀉乃脾胃素弱復為生  
冷果食所傷故大便不聚而瀉或因乳母養生冷肥  
膩之物自乳而過亦能作瀉面唇俱白瀉稀而少或  
如壞雞子腥臭異常身形黃瘦宜先溫正胃氣次理  
積而後固脾冲和飲慢驚當歸散潮熱合和水煨薑  
棗子煎服理積兒大者烏犀丸吐小者化癖丸癖三  
稜散宿食固脾和中散吐瀉醒脾散驚慢水瀉謂之  
洞泄乃陰陽不順水穀不分瀉黃水而小便少番次  
密而無度是夏秋之際晝則解衣取涼夜則失蓋感  
冷冷熱相激清濁渾亂或因母自熱中來乳有熱氣

遽以哺之令兒脾胃不和水穀交雜而下以咬咀五  
苓散驚加薏苡仁車前子半夏水薑煎服分正陰陽  
或先用大順飲吐溫白湯調下香薷散吐瀉調中止  
補錢氏白朮散渴六和湯吐瀉亦好積瀉脾氣虛  
弱乳食入胃不能運化積滯日久再為冷食所傷傳  
之大腸遂成泄瀉留連不止諸藥無效蓋以積在脾  
胃積既未除何由得愈宜先去積後止瀉瀉止實脾  
則病除矣三稜散宿食烏犀丸吐續用沉香檳榔丸  
不乳參苓白朮散慢驚和中散吐瀉香橘餅本條  
理驚瀉糞青如苔稠若膠粘不可便止但鎮心抑

馬  
刀  
二  
七



肝和脾胃消乳食斯為治法先投五苓散驚次用三稜散宿食水薑倉米煎服或三解散潮熱神麴生薑煎湯調服及沉香檳榔丸食不乳不驚丹驚調治風瀉慢驚大病後有之其糞稀黃褐色或夾不消乳食同下此因脾虛所致或夾黑褐色者屬腎蓋脾虛為腎水所乘故也若久不進飲食并有驚搐宜疎腎水去脾風次補脾則自愈庶無復作之患疎腎水咬咀五苓散驚加黑牽牛半生半炒并薏苡仁水薑煎服去脾風瀉黃散脾調脾氣參苓白朮散食不乳臟寒瀉糞如青竹色不稀不稠或下青水未瀉時腹痛而

鳴叫哭左瀉多是生來三五月內有此周歲則無始因斷臍帶短風冷自外逼內而成此疾先用沖和飲慢驚水葱白煎投溫中解表次以當歸散潮熱水煨薑煎服及投勻氣散痢理中湯瀉吐疳積釀瀉其候面色痿黃肚脹脚弱頭大項小髮稀且豎肌肉消瘦不思飲食晝涼夜熱或腹內有癥癖氣塊瀉則顏色不等其臭異常其瀉有時或一月半月旬日一番自瀉自止名為疳積釀瀉先以當歸散潮熱加三稜陳皮水薑煎服次投烏犀丸吐沉香檳榔丸食不乳及化癖丸癖蘆薈丸疳沒石子丸本條兒最下者難下在



于止投三稜散宿食快膈湯痞自然痊愈 若瀉或

痢色青甚而淡黃夾白寒多熱少此陰邪勝陽宜用

守中湯胃苓湯俱本與服扶表救裏方進當歸散潮

熱加陳皮紫蘇水薑糯米煎服亦宜和解理中湯吐

瀉清米飲空心調服溫脾去濕益氣清神寒盛者理

中湯內加熟附子水薑棗煎服次投南星腹皮飲水

薑煎服和脾胃去陰邪 若瀉或泄色青淡而有沫

黃稠熱多寒少亦致面黃肌瘦煩躁不寧宜以咬吐

五苓散加薏苡仁車前子水薑煎服解散餘邪仍用

茵陳蒿梔子仁煎湯調細末五苓散溫服退黃色消

陽毒及當歸散水薑棗煎投或服萬安飲積熱四神

丸

養生治大小老虛之人不拘冷熱泄瀉

黃連去鬚 白芍藥並判 吳茱萸各拾

右三味釜內慢火炒赤色放冷杵羅為細末每服

三錢七水一盞半煎至八九分去滓空腹食前溫

服日三四服小兒量與或以水浸蒸餅丸如桐子

大更丸一等如菘豆黃米大小兒每服十五丸至

二十九溫米飲下若作散以沸湯或溫米飲調

並可服病泄痢之人若不禁生冷魚肉肥膩與否



服藥同 一方有木香無芍藥醋糊丸

茅先生香連丸 治瀉利

木香

黃連

茱萸半兩同於銚內炒  
令煙起取出茱萸

肉豆蔻

訶子

炮去核  
各半兩

阿膠

炒

朱砂

各壹錢

右為細末軟飯為丸如桐子大每服十九十四丸  
用飯飲吞下兒小碎之

乳香散 治一切瀉痢

乳香

貳錢用荷葉於炭火上炙  
令半鎔放地上揅蓋另研

肉豆蔻

白薑

甘草

炙

草菓子

各壹兩

右細剉用醋麪裹於熱灰內煨令赤色取出去麪  
為末入乳香末拌勻每服半錢一錢陳米飯飲調  
下

冷瀉 薛湯氏云冷瀉者乃脾胃虛寒水穀不化而泄

錢仲陽云小兒不能食乳瀉褐色身冷無陽也當用

益黃散 脾加減治之 大便清白口不煩渴冷積瀉也

理中湯 吐瀉主之 若口鼻吸風寒之氣脾胃受生冷

之食而作者先用理中湯後用異功散命門火衰不

能溫蒸中州之氣故脾胃虛寒者用益黃散及八味

丸 腎脾胃虛弱者五味異功散 吐瀉 脾氣下陷者補

寫冷瀉

刀十一

六三



中益氣湯 虛熱 脾氣虛寒者人參理中湯寒水侮土者益黃散肝木乘脾者四君柴胡散手足並冷者加木香乾薑治者蜜之 百問云冷積瀉沒石子丸極効人參散 吐瀉 理中湯 吐瀉 加減服尤佳更加肉豆寇則止來復丹 中太科 不換金正氣散 吐瀉 皆可觀音散 吐瀉 銀白散加減調治乃平和之劑也

守中湯 理春夏相交陰濕氣重中傷脾胃致腹痛

泄利經久不止漸傳手足浮腫飲食少思

桔梗 去蘆 到炒

蒼木 米泔水浸一宿去蘆皮瀝乾切片炒微黃色各貳兩

甘草 陸錢

白薑 肆錢

右件剉焙為末每服一錢空心沸湯調服吐咀水煎亦可或用薑棗

沒石子丸 治嬰孩先因冷瀉或作赤白痢候久而

變作諸般異色不止一端外證面或青或白唇舌乾焦手微冷渾身温壯肚內刺痛啼叫睡卧不安若有是候當服

沒石子

木香

黃連

當歸

青皮 各貳錢半

右五味為末阿魏壹分酒半盞浸化入麪少許冷勻煮糊為丸如粟米大一歲兒服如椒目大者



四五六歲兒服每服五十九赤痢甘草湯下白痢  
乾薑湯下或五倍子湯下

張煥川椒丸 治小兒夏傷濕冷入腸胃泄瀉不止

川椒 壹兩去閉自雙者并黑者 肉豆蔻 半兩

右件搗羅為細末粳米飯和圓如黍米大每服十

粒米飲下量兒大小加減

粟煎湯 治腸胃受風冷泄注不止身體壯熱

白朮 炮 當歸 洗焙 川芎

人參 去蘆頭 肉桂 芍藥 各壹兩

右件搗羅為細末每服一錢水一小盞入生薑三

**瀉白** 片粟米一匙頭許煎至五分粟米熟去滓放溫服  
溫中丸 治胃寒瀉白腹痛腸鳴 方見吐瀉

孔氏治藏府不調大便青色 茯苓 各壹錢

白朮 人參 甘草 炙半錢

丸右末一錢水一小盞煎七分溫服

丹溪云瀉青亦是寒宜用蘇合香丸平胃散各等分

蜜湯調服 田氏云便青者因驚風內藏脾氣不和

宜白朮湯

熟瀉湯氏云小兒熱瀉者大便黃而赤或有沫乃臟



中有積或因乳母好飲酒或嗜熱物或生下傷濕蘊  
熱醫者不明但用豆蔻訶子等藥服之如水澆石既  
不識其證故不辨其冷熱用藥又不得其法焉能取  
効此證當以小使赤少口乾煩躁為驗治法當用錢  
氏白朮散渴去木香用之五苓散驚去桂亦可服其  
熱甚者四逆散大柴胡湯寒俱傷去大黃服之殊驗也  
更用黃連丸疳等劑亦佳調中湯痢去大黃加黃連  
枳殼如夾熱而瀉太陽與少陽合病自下利者與黃  
芩湯嘔者加半夏又有挾熱瀉痢而小便秘澀赤甚  
者加減四順清涼飲裏熱治之即止薛氏云右腮

色赤飲冷胃經實熱也用瀉黃散脾惡冷喜熱胃經  
虛熱也用白朮散渴右腮及額間俱赤心脾翕熱也  
用瀉黃散加炒黑黃連若左頰右腮俱赤肝火乘脾  
土也用四君子湯吐瀉加柴胡若兒暴傷乳食用保  
和丸宿食乳母尤當忌厚味節飲食若乳母停食所  
傷致兒吐瀉等病當治其母大抵始病而熱者邪氣  
勝則實也終變為寒者真氣奪則虛也久病而熱者  
內真寒而外假熱也久瀉元氣虛寒當參前證治之  
黃芩湯治下利而頭痛曾滿口苦咽乾或往來寒  
熱而嘔其脉浮大而弦者或協熱而利者



黃芩壹兩半

芍藥

甘草各壹兩

右剉散每服三錢棗子一箇水一盞煎七分去滓  
溫服嘔者加半夏壹兩貳錢半生薑煎

張煥清胃散 治挾熱泄利

川棟子

黃蘗微焙

當歸洗焙

地榆炙

黃連去鬚炒

右件搗羅為細末每服一錢水八分煎至四分去

滓溫服乳食前

香連丸

黃連薑汁拌炒貳兩

木香煨半兩

右為末陳米飯丸棗豆大米飲下二十九丸亦可

調六一散

傷食瀉湯氏云凡此瀉不宜便補先用消食藥或用

紫霜丸變蒸取其積盡然後可補經云食瀉重當取

疳虛用補虛治食瀉與香橘餅子加減觀音散調中

湯散以意加減凡傷食瀉難止亦不宜補再傷又瀉

宜節飲食當用進食丸痞取下食積令盡次以錢氏

加減益黃散只一服可止此乃切要治法然後異攻

散四君子湯俱吐瀉調理必取全安有腹中雷鳴下痢

者生薑瀉心湯主之如冷積釀瀉用香朴散止之白



木散以和氣調胃調中散保安丸能止傷食瀉感應  
丸沉香煎三稜丸癖積皆可服也東垣云傷食則  
惡食小兒食瀉者因飲食傷脾胃氣不能運故乳  
食不化而出若愛臭吞酸胸膈脹滿腹痛按之益痛  
者雖作瀉而所停滯之物尚未消也用保和丸腹痛  
按之不痛者乳食已消也用異功散脾胃氣傷而未復  
不思飲食者用六君子湯所傷生冷之物及喜熱者  
並加木香乾薑乳食已消腹痛已止瀉尚未止者脾  
失清升之氣也用補中益氣湯餘有別證當參各門  
**錢黃承務子**二歲病傷食而瀉眾醫與止之十餘

日飽可白乳食不消身涼加噤氣昏睡咸謂困篤召  
錢錢先與益黃散補肺散各三服三日身溫而不噤  
氣後以白餅子微下之又與益脾散三服利止何以  
然利木脾虛傷食初不與下之留連十日上實下虛  
脾氣弱則引肺亦虛脾肺下母故也今先補脾則肺  
病自退即身溫不噤氣也然後下其所傷或曰何不  
先下後補曰便青為下臟冷若先下必大虛今先實  
脾而後下則不虛矣後更與補之乃安  
香橘餅 止積瀉傷冷

木香

青皮各壹錢

陳皮貳錢



厚朴

薑汁製

神麩

麥蘖

各半兩

右為末蜜丸為餅紫蘇米飲調下

加減觀音散 止吐瀉截虛風

黃耆

人參 各貳錢伍分

木香

甘草 炙

石蓮 去心

扁豆 炒

茯苓

白朮

全蝎

羌活 各壹錢

防風

天麻 各貳錢

右剉散薑棗煎

調中散 治傷食瀉凡此瀉不宜便補先用食藥或

紫霜丸取其積盡然後可補經云食瀉重當取

虛用補虛良醫明妙理何慮疾難除

人參 去蘆

白茯苓

白朮

木香

乾薑 炮

藿香葉

香附子 炒去毛

縮砂仁

甘草 炙

丁香 各等分

右為末每服一錢薑棗湯調下肚痛白湯下量天

小加減

生薑瀉心湯 治傷寒汗出解後胃中不和心下痞

硬脇下有水氣腹中雷鳴下利者

黃芩

甘草 炙

人參 各壹兩半

瀉傷食瀉

刀十七



乾薑炮

黃連各半

半夏壹兩壹錢湯泡

右剉散每服三錢水一盞生薑三片棗一枚煎七分去滓溫服

保安丸 治小兒瀉瀉傷食瀉

香附子淨

砂仁各壹兩

白薑炮

青皮去穢

陳皮去白

三稜炮

莪朮炮

甘草各半兩

右為末麥蘖麩糊丸菴豆大每服三丸白湯下食前溫服

杏霜丸 治小兒食積作瀉并痢證

杏仁叁兩去皮尖

巴豆壹兩去殼油炒焦却入杏仁同炒

黃蠟貳兩酒煮綿濾

百草霜炒為末貳兩用油陸錢炒勻

右將杏仁巴豆研極細却入草霜令勻鎔蠟和丸

如菴豆大赤痢甘草湯白痢生薑湯先進三四服腹脹者十餘服効驗如神

醫局開胃丸 治小兒府藏怯弱內受風冷腹脇脹

滿腸鳴泄利或青或白乳食不化又治藏冷夜啼胎寒腹痛

木香

蓬莪茂

白朮

人參去蘆頭

當歸剉微炒各半兩

麝香細研



白芍藥各壹分

右件搗羅為末都研令勻湯浸炊餅和丸如黍米大每服十五丸温米飲下新生兒腹痛夜啼可服五丸並乳食前服

**水瀉**聖惠厚朴散 治小兒脾胃不和洞瀉下利不

正羸瘦食少

厚朴去麤皮塗生薑汁炙令香熟

訶梨勒煨用皮

地榆微炙剉

肉豆蔻壹枚去殼

人參去蘆頭

黃連去鬚微炒

乾薑炮裂剉

厚朴去麤皮薑汁炙縮砂仁

神麩濕紙裏炮

麥芽淨洗焙乾三稜炮剉

右木香不過火餘七味剉焙仍同木香研為細末

煉蜜作餅子如芡實大每服一餅至三餅用棗湯

化開空心温投米清湯亦可

**驚瀉**仲陽云慢驚病後或吐瀉胃虛或氣弱因驚眼

白如淡墨下糞青黃此瀉合温補至聖保命丹釣藤

飲夜啼主之或乳墮糞下消乳丸吐進食丸吞主之

或微渴心脾喘燥狂熱此瀉尤難治辰砂五苓散驚

主之冷者定命飲子治之後與温驚朱君散睡驚太

為積滯



乙丹 薛小兒驚瀉者肝主驚肝木也盛則必傳於脾脾土既衰則乳食不化水道不調故泄瀉色青或兼發搐者蓋青乃肝之色搐乃肝之證也亦有因乳母脾虛受驚及怒動肝火而致者經曰怒則氣逆甚則嘔血及殮泄法當平肝補脾慎勿用峻攻之藥脾氣益虛肝邪彌甚甚至抽搐反張者亦肝火熾盛中州虧損之變證也凡見驚證即宜用四君六君異功散等方加白附子定風柴胡平肝引經以杜漸則必不至瀉搐而自安矣今已見瀉吐驚搐尚不知補脾平肝以保命抱龍鎮驚等藥治之其亦去生遠矣

右件搗細羅為散每服以粥飲調下半錢日三四服量兒大小以意加減

張渙厚朴散 治洞泄注下

厚朴生薑製

訶梨勒炮取皮

肉豆蔻各壹兩

白朮

乾薑炮各半兩

右件搗羅為細末每服一錢水八分盞入生薑粟

米各少許煎五分去滓溫服

萬全龍骨丸 治小兒冷熱不調時有洞泄下利不

正

龍骨

黃連

白石脂

為水湯

刀斗七

五



白礬

燒令汁盡

乾薑

炮

木香

各半兩

右件藥搗羅為末醋煮麩糊為丸如麻子大每服以粥飲下五九日三四服量兒大小加減服之

劉氏小兒水瀉注下

黃連

石蓮

各等分炒黃色

右為末每服半錢水瀉新汲水調下白瀉粟米飲下

積瀉香橘餅

治嬰孩過傷乳食或吐或瀉及病後虛中感積成疝氣弱神昏面黃目慢

南木香

陳橘皮

去白

青皮

去白各貳錢半

至聖保命丹

治小兒胎驚內釣腹肚緊硬眠睡不安夜多啼哭及治急慢驚風眼目上視手足抽掣不省人事悉皆主之冷證用此

全蝎

拾肆箇去毒

防風

僵蠶

炒去絲嘴

南星

炮

天麻

各貳錢

白附子

麝香

伍分

金箔

拾片

蟬蛻

洗

朱砂

各壹錢

有熱證加牛黃腦子研砂右為末粳米糊丸每兩作四十九丸常服鎮心安神化痰除一切驚風諸證湯臨時換一方加人參白茯苓貳錢



定命飲子 治慢驚吐瀉困重欲傳慢脾通用

半夏生揀圓白者 茯苓

老生薑切片乾各貳錢 白朮

天麻貳錢半

木香

甘草炙各壹錢

右剉散每服二錢薑棗湯調下

朱君散 治吐瀉後有此證并糞青者宜服之

人參 白朮

茯苓

甘草 辰砂

麝香

燈心 鈞藤

右為末每服一錢用白湯調下

睡驚太乙丹 常服安神鎮驚止夜啼糞青

桔梗壹兩炒

藿香葉

白扁豆炒各半兩

白芷叁錢

川芎貳錢半

右為末煉蜜丸如芡實大辰砂麝香為衣每服半丸薄荷湯磨下正糞色棗湯下夜啼燈心鈞藤湯磨下加白朮茯苓白芍藥尤妙

四神丸 治脾虛胃弱大便不實飲食不思或泄痢

腹痛

肉豆蔻

五味子各貳兩

補骨脂肆兩

吳茱萸壹兩



右為細末用紅棗六十五枚生薑六兩用水二鍾  
煮乾取棗肉和丸如桐子大每服五六十丸白湯  
送下或化服

二神丸

補骨脂

肆兩

肉豆蔻

貳兩 生用

右為末用紅棗四十九枚生薑四兩用水一鍾煮  
乾取棗肉和丸如桐子大每服二三十丸白滾湯  
下

疳積瀉

沒石子丸

治久患疳痢及釀瀉

沒石子

貳枚

南木香

濕紙包 略煨

淨黃連

剉碎薑汁炒各

貳錢

肉豆蔻

貳枚 炮

訶子

肆枚 炮 去核

右剉焙成末如烏犀丸內製飯糊為丸粟穀大每  
服十丸至三十丸或五十丸溫白湯空心下或米  
清湯下

暴瀉

巢氏小兒卒利者由腸胃虛暴為冷熱之氣所

傷而為卒利熱則色黃赤冷則色青白若冷熱相交  
則變為赤白滯利也

聖惠胡黃連散 治小兒冷熱氣不和忽暴下利腹

內疼痛

胡黃連

母丁香

桂心



木香

肉豆蔻

當歸剉微

麝香

犀角

右件藥搗細羅為散每服以粥飲調下半錢日三四服量兒大小加減

龍骨散 治小兒暴利

龍骨

黃連

當歸剉微

枳殼

黃連去鬚微炒

右件藥搗麤羅為散每服一錢以水一小盞煎至五分去滓不計時候量兒大小加減溫服

張渙阿膠丹 治泄利身熱及暴瀉注下

真阿膠

乾薑

芍藥

當歸

川黃連

肉豆蔻

右件搗羅為細末鍊蜜和丸如黍米大每服十粒粟米飲下量兒大小加減

神仙玉粉丹 補一切虛不熱男婦小兒皆可服冷

積暴瀉見功尤速

精明船上

硫黃

右用積豬肚七箇旋採桑根白皮三斤寸剉將豬肚一箇淨洗以硫黃實之用麻線縫合水二斗先

將桑根白皮一斤同煮一伏時其餘諸肚亦用慢

馬暴瀉

切寸七

七十五



火養之不得令冷候煮滿一伏時別以豬肚換之  
又用白皮內一斤同煮再一伏時又換豬肚并桑  
白皮過三伏時不換白皮只換豬肚共煮七伏時  
水耗以熱湯添不得用冷水候滿七伏時取出用  
溫水淘淨研至細候烈日中曬極熱再研煮糯米  
粉爲糊丸如梧桐子大每服空心米飲下十粒至  
十五粒大率驅除宿冷其功效無比老人經久可  
服

**久瀉**大法補虛 消積 鳳髓經歌云脾中有積熱  
遲留至使終年瀉不休項軟見人多哽氣更兼清水

鼻中流少間有似黃金色若有垂腸更不收形證又  
看胸膈上胸前深赤汗如油唇赤生瘡眼脉赤若不  
調脾命卽休  
千金七味散 治利下久不差

黃連 龍骨 赤石脂

厚朴 烏梅肉 甘草

阿膠

右治下篩漿水服一方寸七日二小兒一錢七  
華陀治老小下利柴立不能食入口卽出命在旦夕  
久利神驗方



黃連末

亂髮灰

醇苦酒

蜜

各半雞子殼許

白蠟

方寸七

雞子黃

壹枚

右六味於銅器中炭火上先內酒蜜蠟雞子黃攪勻乃內黃連末髮灰又攪煎視可取出為丸久困者一日一夜盡之

外臺療久利無間冷熱疳痢悉主之

棗壹枚去核勿令皮破內胡粉令滿於炭火中燒如炭甕器中研之米飲和服一歲以下分服之不過三服差

聖惠治久利赤白漸羸胃虛不食丁香散

丁香

厚朴

去麤皮塗生薑汁炙令香熟

黃連

去鬚剉微炒

當歸

剉微炒

訶梨勒

煨用皮

白朮

剉微炒

伏龍肝

各半兩

木香

壹分

赤石脂

壹兩

右件藥搗細羅為散每服以粥飲調下半錢日三四服量兒大小加減

聖惠黃連丸 治小兒羸利經久不斷增減有時

黃連

去鬚微炒

人參

去蘆頭

赤石脂

龍骨

甘草

炙微赤剉

黃芩

厚朴

去麤皮塗生薑汁炙令香熟

白茯苓



枳殼去瓢炒微黃各半兩

烏梅肉壹分

右件藥搗羅為末鍊蜜和丸如麻子大每服以粥飲下七九日三四服量兒大小臨時加減

譚氏斗門散 歌曰小兒瀉利甚青黃久患時多轉

滑腸下部脫肛頻努嘔朝朝焦瘦漸羸羸疰

訶子 枳殼 地榆各等分

右為末每服一錢米飲調下一歲以下半錢

嬰孺龍骨湯 治下利不往

龍骨 甘草炙 黃連各肆分

當歸 乾薑各壹分

右以水四升煮一升二合食前温分三服

龍骨湯 治服藥下後不止

龍骨伍分 甘草炙 乾薑

當歸 黃連 赤石脂

附子炮裂去皮臍 前胡各叁分

右以水四升煮一升二合為五服旦服至午令盡

黃連煎 治冷熱利經時不止體羸不堪餘治差而

又發用好黃連貳兩水七升蜜八合煎一升三合

絞去滓百日兒服半合二百日一歲服一合

雞骨丸 治下利經久不斷羸瘦脾胃冷弱食不消

馬久瀉

刀針

疾



化

雞骨宿雞胸前及肋骨全用壹具

厚朴叁分 神麩炒

白朮各肆分 麥蘖炒

人參 赤石脂

白龍骨各伍分 桔梗貳分

右為末蜜丸小豆大白飲下二十五丸日二服量

兒大小與之

温白丸 治久瀉脾虛不食食即瀉下米穀不化

白朮壹分米泔浸切焙 丁香半錢

半夏壹錢半湯泡洗七遍

右為末生薑自然汁煮麵糊為丸如梧桐子大半歲每服三九三五歲五七九淡生薑湯吞下早晚各進一服

惺惺散 治久瀉脾困不思乳食恐作脾風

天麻 全蝎炒各半錢 木香炮

糯米 人參 茯苓各微

白扁豆炒 山藥焙 甘草炙各壹錢

右為末每服嬰孺一字二三歲半錢用水一藥注或半銀盞棗子半片煎十數沸服

張煥治瀉利久不差香礬丹

瀉久瀉

方

三



木香

枯白礬各壹兩

訶梨勒皮微

酸石榴皮炒黑各半兩

右件搗羅為細末鍊蜜和丸如黍米大每服十粒粥飲下量兒大小加減

劉氏治小兒藏府久泄瀉不止

人參

白朮

茯苓

甘草

陳皮

藿香

丁香

木香

肉豆蔻

右等分為末每服一錢以藿香合糯米煮粥飲調下或薑水煎亦可

臟腑滑泄四君子加訶子伍分米飲調下

飧瀉

醫書謂之

錢食不消脾胃冷故不能消化當補

脾益黃散主之

潔乳食不消初病忽然氣出冷四肢亦冷面白無光澤精神不定此乃胃氣不和可以

大溫藥治之史君子丸益黃散主之若病泄瀉日久不瘥乳食不化是脾胃有風冷先服益黃散二服

後用宣風散導之胃宜再補宜參大科飧瀉門用

乏

聖惠厚朴散治小兒水穀利羸瘦面黃不欲飲食

厚朴

去麤皮塗生薑汁炙令香熟

龍骨



黃連

去鬚微炒 各半兩

丁香

當歸

剉微炒

木香

白朮

肉豆蔻

各壹分

右件藥搗細羅為散每服以粥飲調下半錢日三四服量兒大小加減

地榆散 治米穀利日夜不止

地榆

微炙

厚朴

去麤皮塗生薑汁炙令香熟各叁分

黃連

壹兩去鬚微炒

阿膠

半兩搗碎炒令黃色

右件藥搗細羅為散不計時候以粥飲調下半錢量大小加減

醫局胃風湯 治風冷乘虛入客腸胃水穀不化泄

瀉注下腹脇滿腸鳴疝痛及腸胃濕毒下如豆汁

或下瘀血日夜無度並宜服之

人參

去蘆頭

白茯苓

去皮

芎藭

桂皮

去麤皮

當歸

去苗

白芍藥

白朮

各等分

右為麤散每服二錢以水一大盞入粟米百粒同煎七分去滓稍熱服空心食前小兒量減

小兒大便青瓣發泄脉大手足寒難已脉小手足温易已

馬瀉

刀針

八



# 赤白痢

湯氏云小兒痢疾皆因飲食無節或餐果食肉不知厭足乃脾胃尚弱不能消化停積於臟故成痢也熱搏則赤風寒之氣入於腸胃致令津液凝滯則成白痢或夾青者有驚積或如魚腦肚中疼甚者大抵八痢但冷熱赤白藥性雖有不同治法不相遠矣又有赤白相雜者當先去其熱積須用大黃枳實朴硝之類以去其熱毒然後黃連黃芩黃蘗解其熱痢自止疼自定此妙法也如痢不止則用地榆熟艾等劑調

小兒大外... 痢疾... 赤白痢... 治法... 湯氏云... 飲食無節... 餐果食肉... 不知厭足... 脾胃尚弱... 不能消化... 停積於臟... 故成痢也... 熱搏則赤... 風寒之氣... 入於腸胃... 致令津液... 凝滯則成... 白痢或夾... 青者有驚... 積或如魚... 腦肚中疼... 甚者大抵... 八痢但冷... 熱赤白藥... 性雖有不... 同治法不... 相遠矣又... 有赤白相... 雜者當先... 去其熱積... 須用大黃... 枳實朴硝... 之類以去... 其熱毒後... 然後黃連... 黃芩黃蘗... 解其熱痢... 自止疼自... 定此妙法... 也如痢不... 止則用地... 榆熟艾等... 劑調



理自然平復脾虛者不可輕用豐粟澀滯等劑必致危困須用沒石子黃連阿膠地榆以止之方為盡善其枳殼芍藥皆要藥也噤口痢不能食者石蓮散主之香脯散亦可冷痢如豆汁肚疼者胃風湯主之脾毒痢臟熱當服香連丸黃連香薷散去桂五苓散驚茅花湯當歸芍藥枳殼地榆川芎等劑先與解毒退熱却與開胃進食分利水穀寬腸定痛先與水浸丹局方敗毒散熱初地榆飲寬腸枳殼散有熱而痢不止者三黃熟艾湯主之積滯不通者神芎丸亦可用熱甚煩躁者黃連解毒湯解之煩躁溼火散亦效

曾赤白之痢世人莫不曰赤為陽為熱白為陰為冷或曰無積不成痢至於調治若以冷熱之劑互進或投去積之藥必難取效不究其原何由可療且四時八風之中人五運六氣之相勝夏秋人多痢疾內經曰春傷於風夏生飧泄至真要大論曰少陽在泉火淫所勝民病注泄赤白其可拘於無積不成痢之說若專以積為論豈一歲之中獨於夏秋人皆有積春冬不然蓋風邪入胃木能勝土不為暴下則成痢疾赤白交雜此為陰陽不分法當分止陰陽五苓散以導其逆理中湯以溫其胃使色歸一然後施治若一

內科 痢疾 卷之七

八十三



分之後仍赤白同下則當究其所患之因若先白後赤乃內傷生冷失於蓋覆由元氣感於暑熱治法先救其裏次解暑毒若先赤後白乃先傷熱而後失蓋感冷先宜解熱後治其痢有夾熱而痢者則下純鮮血此風能動血宜冷服黃連香薷散吐瀉川草散及當歸散潮熱加醋炒蒸栢葉水薑煎服或菴活散加三和湯水薑倉米煎有挾冷而痢者則下純白凍或白上有粉紅色或似豬肝瘀血皆為陰證蓋血得寒則凝澀故也先用吡咀五苓散加守中湯瀉煎投次以附子理中湯帶涼服或固真湯慢驚倘不辨

其虛實冷熱妄行施治必致脾胃愈虛不能乳食成噤白痢者則難療矣又有裏急後重蓋裏急為陽後重為陰未圍前腹痛為裏急已圍後腹痛為後重故裏急者太腸澀也先以大順飲加寬氣飲急驚和解及菴活散水薑倉米煎服次下寬腸丸後重為氣虛用吡咀五苓散加人參水薑煎服併投香連丸若二證俱作前二丸子並進或雙金飲金粟丸亦佳然瀉痢二字自是兩證糞夾水來多而順者曰瀉帶血凍白凍來三五點而痛者曰痢輕重陰陽於此而分斯為治法有膿血交雜經久不止晝輕夜重或晝夜頻



數食減痛多並用萬金散神効散主之 有五色痢者乃因五臟蘊熱日久不散故有是證蓋五臟受熱榮衛不調五穀不化熏腐臟腑神氣昏沉此候已危最苦是腹中刺痛兒小者無治法蓋五色者乃五臟之色皆見於外兒大者可用局方三神丸或小來復丹以五苓散送下或者可療若投藥如故不可為也 又有風痢多是黃褐色與疴瀉頗同但不臭為異耳此風毒停滯於脾宜去脾經風毒瀉黃散主之若見赤白同下久而不禁小便少澀痛熱並作唇裂眼赤氣促心煩坐卧不安狂渴飲水穀道傾陷時復面

容如粧飲食不進者難治 薛錢仲陽云瀉痢黃赤黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芎歸治虛弱之痢四君乾薑治虛寒之痢愚嘗治手足指熱飲冷者為實熱用香連丸手足指冷飲熱者為虛寒用異功散送香連丸若兼體重肢痛濕熱傷脾也用升陽益胃湯小便不利陰陽不分也用五苓散若濕熱退而久痢不愈者脾氣下陷也用補中益氣湯倍加升麻柴胡瀉痢兼嘔或腹中作痛者脾胃虛寒也用異功散加炮薑木香



或變而為瘧者肝剋脾也用六君升麻柴胡鈞藤鈞  
若積滯已去痢仍不止者脾氣虛也用四君子送下  
香連丸若因乳母膏粱厚味六淫七情致兒為患者  
當各推其因仍兼治其母并參冷熱瀉及積滯腹痛  
等證覽之

**挾表證宜發表** 羌活散 治傷風時氣頭痛發熱身

體煩疼痰壅咳嗽失音鼻塞聲重及解時行下痢

赤白

人參 去蘆

羌活

赤茯苓 去皮

柴胡 去蘆

前胡 去蘆

川芎

獨活

桔梗 坐炒

枳殼 去瓤 炒

蒼朮

米泔水浸一宿去蘆皮  
瀝乾剉片炒至微黃色

甘草 各壹兩

右剉每服二錢水一盞薑二片薄荷三葉煎七分

無時溫服發散風邪入葱白同煎痢證薑倉米煎

**有積宜下之湯** 治痢之法若欲取積只用官局進食

丸 痞甚 穩雖取積又能治痢萬無一失積已下急以

四君子湯加豆蔻訶子補之次服厚腸香連丸得効

丹治小兒痢疾

黃連

黃芩

大黃

甘草



右煎服赤痢加紅花莖仁白痢加滑石末

治小兒赤白痢多體弱不堪下大困重者麻子壹合

炒令香熟為末每服一錢七蜜漿水和服效

水浸丹 治瀉痢先鋒之藥

黃丹

研細壹兩

巴豆

大者貳拾伍箇去皮膜研細出油或黃丹貳兩半

右研勻用黃蠟半兩鎔作汁拌勻量大小旋丸水

浸吞下湯使更臨病隨意用一方黃丹壹兩巴豆

肆拾玖粒乳香貳錢麻油貳錢蠟半兩鎔汁和丸

名頓止丹又冷證加木香貳錢半

寬腸丸 治痢後裏急大腑閉澀不通

枳殼

水浸去穢判片麥麩炒微黃仍用清油浸透壹兩焙乾伍錢

麻仁

去殼

木通

去皮

大黃半生

檳榔

大腹皮

淨洗焙乾各貳錢半

右除麻仁用乳鉢極細杵外五味檳榔不過火餘

焙向研成末入乳鉢中與麻仁再杵勻煉蜜丸棗

豆大每服三十九至五十九仍以枳殼甘草煎湯

空心送下一二歲嬰孩溫蜜湯下

**熱痢用涼藥**海藏治赤痢用四君子加赤芍藥當歸

入粟米少許同煎

黃連解毒湯

治時疾三日已汗解苦煩悶乾嘔口



燥呻吟錯語不得卧亦治熱痢

黃連 叁錢

黃檗 半兩

梔子 肆箇

黃芩 壹兩

右剉散每服三錢水一盞煎六分去滓服

痰火散 治中暑煩躁發渴口乾及治血痢

青皮 去白

赤芍藥

黃連 去鬚

地榆 各等分

右爲細末每服一錢冷水調下如畜熱而氣血妄

行加甘草

芍藥槩皮丸 治一切惡痢窘痛膿血

芍藥

黃檗 各壹兩

當歸

黃連 各半兩

右爲末滴水丸小豆大每服三三十九熟水下加

枳殼

寬腸枳殼散 順氣止痢

甘草 陸錢

枳殼 去穰炒貳兩肆錢

右爲細末每服一錢空心沸湯點服

三黃熟艾湯 治積藏府下痢赤白及治傷寒四五

日而大下熱痢服諸藥多不止宜服之

黃芩

黃連

黃檗 各柒錢半



熟艾子半雞

右剉散每服三錢水一盞煎六分去滓温服

地榆散 治瀉痢血痢

地榆

訶子

甘草各等分

右爲末鹽米湯調下有熱加黃芩

又方

地榆

訶子

厚朴薑製各等分

右剉散每服二錢水一盞薑棗煎服

地榆飲 治冷熱痢腹痛下痢赤白頻併

地榆

甘草

芍藥

枳殼各貳錢半

右剉散每服二錢白水煎加黃連炒

又方

地榆

烏梅

檗皮

甘草

當歸各等分

右剉散每服二錢煎服

川草散 治腹痛下痢赤白不拘遠近

川芎

白芷

甘草半生半炙各柒錢

赤芍

當歸酒洗

淨黃連各伍錢

右剉焙爲末每服半錢至二錢白水煎湯調赤

可執劑

刀十七

八十九



痢甘草湯調赤白痢温米清湯調並空心服

治熱痢備急方

用井花水調臘茶蜜磨生薑渴則飲之

本事治小兒赤痢

搗青藍汁二升分四服聖惠方治小兒中蠱下血

治小兒尿血

甘草伍分以水六合煎取二合去渣一歲兒一日

服令盡

錢氏黃檗丸治小兒熱痢下血

黃檗土去皮牛兩

赤芍藥肆錢

右爲末飯和丸如麻子大每服一二十九食前米

飲下量兒加減

梔子丸治少小熱痢不止

梔子柒枚

黃檗叁分

黃連伍分

礬石肆分

大棗肆枚炙

右五味爲末蜜丸如小豆大服五九日三夜二服

不知稍加至十丸

外臺子芩湯療小兒熱痢

子芩拾貳分

知母

女萎各陸分

竹葉切捌分

黃檗

甘草各肆分

痢熱痢

刀汁

五



右六味切以水二升煮取一升分服甚妙  
聖惠梔子仁散 治小兒熱痢腹痛心煩口乾小便  
赤黃不欲飲食

梔子仁

當歸 剉微炒 各半兩

黃檗

地榆 微炙剉 各三分

黃連 剉微炒 壹兩去

右件藥搗細羅為散每服以粥飲調下半錢日三  
四服量兒大小加減

烏梅散 治小兒熱痢但壯熱多渴而痢不止

烏梅 貳枚微炒去核

黃連 去鬚 微炒

藍葉 各壹分

犀角 屑

阿膠 搗碎炒 令黃燥

甘草 炙微赤剉 各半兩

右件藥搗羅為散每服一錢以水一小盞煎至  
五分去滓放溫不計時候量兒大小分減服之  
形證治赤痢開胃散

白朮

茯苓

人參 各半錢

石蓮子 去皮殼 心拾箇

右為末藿香湯下半錢

孔氏治赤白痢骨立地榆一斤水三升煮升半去滓

煎如飴空腹服

黃連 例錢氏

加黃檗為二聖丸 治

加橘皮為橘

連丸 治

加榆仁為榆連丸 治

加黃芩大黃為三



黃丸治積加阿膠茯苓為阿膠丸治痢加訶子木

香為小香連丸治痢加豆蔻木香為豆蔻香連丸治痢加阿膠當

歸乾薑為駐車丸治痢加木香白附子為白附子香連丸治痢加阿膠當

冷痢用溫熱藥海藏治白痢用四君子等分加乾薑

減半入粟米少許同煎

大順飲見吐

養臟湯主生津益氣溫腸止痢

人參去蘆甘草炙各錢半白芍藥

白木各半南木香錢半肉桂去麩皮各壹錢

肉豆蔻

罌粟殼去蒂坐蜜水炒訶子肉各壹錢半

右件吹咀每服二錢水一盞薑二片棗一枚煎七

分空心溫服或入倉米同煎

廣濟療客冷白痢

人參陸分厚朴炙甘草炙各肆分

茯苓各伍桔梗各伍梁州檳皮捌分

右六味切以水三升煮取一升量大小可一合為

度以瘥止忌如常法

嬰孺治五六歲兒冷痢

當歸 黃連 龍骨各肆分

痢冷痢

痢冷痢

九



赤石脂

厚朴炙

乾薑

酸石榴皮各貳分

右切以水三升半煮一升六合為四服相去一炊久服

雄朱散

治小兒腸胃虛冷下痢頻併日夜疼痛不可忍

可忍

雄黃壹分細研 乳香細研

白礬煨各壹錢

右為末每服嬰孩一字二三歲半錢陳米飲調下一日三服

玉脂散

治冷痢大便色青甚則有膿

白石脂

當歸洗焙乾

丁香

白木炮各壹兩

草豆蔻去皮

厚朴生薑汁製各半兩

右件搗羅為細末每服半錢以粥飲調下量兒大小加減

小加減

治白痢艾湯

艾葉微炒

當歸各壹兩

乾薑炮

木香

訶梨勒皮炮各半兩

右件搗羅為細末每服一錢水八分一盞入粟米少許煎至五分去滓溫服食前

養臟湯

治白痢頻併

冷痢

刀圭

九



當歸洗焙乾

烏梅肉炒乾

乾薑

黃耆

白朮炮

龍骨各壹兩

右件搗羅為細末每服一錢水一小盞生薑粟米各少許煎至五分去滓溫服乳食前量大小加減聖惠治秋深冷痢不止灸臍下二三寸動脉中三壯炷如麥

寒熱雜合

香連丸

治赤白下痢煩渴作痛

南木香

半兩不

淨黃連

壹兩剉用茱萸

炒仍去茱萸

烏梅肉

貳錢半薄切用

屋瓦慢火焙乾

右為末用阿膠半兩剉碎炒脹水化為糊候冷入

乳鉢內同前藥末亭分杵勻丸作麻仁大赤痢每服三十三丸至五十五丸或七十七丸甘草湯空心下白痢丸數同前白薑湯空心下赤白交作溫米清湯空心噉服

金粟丸 治下痢赤白水穀不化

淨黃連

壹兩

川芎

枳殼製

穀芽

淨洗焙乾

赤茯苓

去皮

白芷

南木香

各半

神麩

壹兩別研為末作糊

右除木香別剉不過火餘六味焙入木香同為末用神麩末煮糊丸粟穀大每服七十九至百丸空



心温米清湯下或不拘時

白附香連丸 治腸胃氣暴傷乳哺冷熱相雜渴痢

赤白裏急後重腹痛扭撮晝夜頻併乳食減少

黃連

木香 各壹錢

白附尖 貳箇

右未飯丸如粟米大每服十丸至二十丸米飲

下食前日夜各四五服

荳蔻香連丸 治泄痢不拘寒熱赤白陰陽不調腹

痛腸鳴切痛立效如神

黃連

肉豆蔻

木香 各壹錢

右為細末粟米飯丸米粒大每服十丸至二十

丸日夜各四服食前米飲下

木香丸 治小兒泄瀉青白膿血相雜

黃連

吳茱萸同炒去茱萸壹兩

肉荳蔻 煨貳箇

木香 壹錢

右為細末麩糊丸如黍米大赤痢粟米飲下白痢

厚朴湯下空心服

小香連丸 治冷熱腹痛水穀利腸滑

木香

訶子肉 各壹分

黃連 半兩

右為細末米飲和丸如菘豆大每服十丸至二十

丸食前頻服之



吉氏香連丸 治赤白痢

黃連

木香

訶子皮各壹兩

肉苳蔻貳箇

子芩半兩

右未蜜丸菉豆大空心煎醋漿湯下大人十九小兒五丸空心日午再服煎薑蜜湯下

白膿痢 嬰童寶鑑論小兒腸寒即下白膿腹痛

顛顛經治孩子冷毒疳痢白膿疳散日加瘦弱不喫

食腹痛

青木香壹分

黃連半兩

右未以蜜丸如梧子大一歲以上空心熟水下

丸三歲五歲服一丸藥性熱不宜多服忌生冷聖

惠收治冷熱痢一物等分

葛氏肘後雞子餅 療小兒秋夏暴冷痢腹脹乍寒

乍熱白帶下

右用雞子壹枚胡粉壹丸碎絹篩合雞子黃白共

搗研調熬令熟如常雞子餅兒年一歲一食半餅

日再不過二餅即差兒大倍作凡羸弱不堪與藥

宜與此餅

王氏手集治大人小兒純膿白痢其効如神脂附丸

大附子壹枚



痢

經

九

右先用豬膏攪成油半盞許，煎前件附子，令裂，出放冷，削去皮，臍碾為細末，以棗肉和丸，大人如梧子，大小兒如菉豆，大每服五七丸，至十五二十丸，米飲湯送下，空心食前服。

朱氏家傳治小兒白膿冷痢，臍下絞痛。

訶子皮

青木香各等分

右件並為末，以粳米飯丸，如菉豆，大米飲下，五丸。長沙醫者丁時發傳附子散，治小兒疳痢，多有白膿腹內疴痛。

附子

炮去皮尖豈枚

龍骨

赤石脂

各半兩

蜜陀僧

黃丹

胡粉

炒

烏賊魚骨

燒灰

赤芍藥

各壹分

右件為末，每服半錢，米飲下，一日三服。

**純血痢**

巢氏云：小兒痢如膏血者，此是赤痢，腸虛極。

腸間脂與血俱下故也。聖惠：夫小兒血痢者，由熱毒折於血，血入大腸故也。血隨氣循環，經絡通行，藏府常無停滯。若為毒熱所乘，遇腸虛，血滲入於腸，則成血痢也。寶鑑：小兒腸熱，即痢下鮮血，一如腸風。外臺廣濟療小兒熱毒血痢方。

犀角

拾分

地榆

陸分

蜜

叁分

純血痢

刀斗七

九



地麥草 伍合

右四味切以水三升煮取二升去滓量大小服之  
又方

葱白 叁兩

香豉 叁合

梔子 綿裹 柒枚

黃連 壹兩

右四味切以水二升煮取九合去滓分服

外臺劉氏療小兒血痢方

地榆

黃檗

黃連

黃芩 各陸分

馬蘭子 貳分

茜根 壹兩

生薑 叁分

右七味切以水二升煮取一升分服大小量之與

一合至二合為度

陳藏器小兒寒熱丹毒中惡注忤痢血方

右竝煮草犀根汁服之更良生水中者名水犀也

食醫心鑑治小兒血痢方

右取生馬齒莧絞汁一合和蜜一匙七空心飲之

聖惠治小兒血痢煩熱口乾腹痛黃連散

黃連 去鬚 微炒

犀角 屑

白蘘荷根

黃芩

蔓青根

吳藍 各壹兩

白頭翁 叁分

甘草 炙 微剉

當歸 剉 微炒 各半兩

純血痢

刀斗七

九



痢

右件藥搗麤羅為散每服一錢水一小盞煎至五分去滓不計時候量兒大小分減服之

聖惠治小兒血痢不差馬齒菜汁粥方

馬齒菜汁壹合蜜半合粟米壹合

右以水一大盞煮作粥後入三味和調食前服之

張渙水蓼丹治血痢疳瘦

蛇蛻皮燒灰雞頭殼燒灰存性

胡黃連各壹兩水蓼各半兩已上各搗羅為細末次用

朱砂半兩真薔薇牛黃

粉霜各細研

右件都拌勻再研細軟飯和如黍米大每服五粒至七粒麝香湯下量兒大小加減不拘時候

張渙治熱乘於血滲入腸胃其病則赤黃連丹方

黃連去鬚當歸洗焙乾白頭翁

蔓青根湯洗焙乾木香

川棟子麩裏炮

右件搗羅為細末粳米飯和丸黍米大每服十粒

米飲下量兒大小加減

張渙茜根湯治血痢不差

茜根剉地榆剉黃連去鬚

痢 經血痢

刀斗七

七



赤石脂

黃礬各半兩

阿膠炙熟各壹兩

甘草多

右件藥搗羅為細末每服一錢水八分煎至五分去滓放溫服

張渙厚腸丹 治血痢腸虛

黃連去鬚

川棟子各壹兩

木香

阿膠炙

吳茱萸微炒

當歸洗焙乾各半兩

右件搗羅為細末粟米飯和丸黍米大每服十粒米飲下乳食前量兒大小加減

張渙聖効散 治血痢久不差

赤石脂燒赤

白龍骨

阿膠炙各壹兩

訶梨勒皮

木香

乾薑炮

黃連

甘草炙各半兩

右件搗羅為細末每服半錢煎粟米飲調下食前張渙必效丹 治血痢頻併

川黃連去鬚

大棗半升

乾薑壹兩

白礬半兩

右件用瓦器盛鹽泥固濟留一竅子以木炭火燒煙息為度取出搗羅為末白麩糊和丸黍米大每服十粒米飲下量兒大小加減



錢乙附方治小兒熱痢下血

黃蘗去皮半兩 赤芍藥肆錢

右同為細末飯和丸麻子大每服二十粒食前米飲送下大者加丸數

吉氏家傳治小兒血痢方

右用宣連為末以雞子搜作餅子炭火煨令通赤便蓋着勿令泄氣候冷細研空心米飲下半錢大人一錢以意加減服

又方

右只用熟水調下好鬱金末半錢

吉氏家傳地榆散

治小兒血痢日久不差

地榆壹分炒

訶子伍箇炮

陳槐

黃連各壹錢炒

右為細末每服半錢或一錢陳米飲下

膿血相雜痢聖惠夫小兒膿血痢者由熱毒在藏血

得熱則流溢滲入太腸與腸間津液相搏積熱蘊結血化為膿腹虛則泄故成膿血痢也

葛氏肘後小兒毒下及赤滯下如魚腦白頭翁丸方

白頭翁叁分

黃連陸分研

石榴皮叁分有毒

榴皮用犀角屑叁分



右三物以水二升煮取八合見生四十日以五合為三服大者則加藥

肘後乳母方

扁豆莖

壹升炙令乾切之

人參

參兩

右以水三升煎取一太升半去滓取汁煮粟米粥與乳母食之良常徧蓋覆乳勿令佳又法乳母常食粥仍欲乳兒先捨去少許即當佳

肘後近效方療小兒三歲即患痢初患膿少血多四日膿多血少日夜四十餘行朱子丸方服即效

生地黄

汁伍小合

羊腎脂

壹小合

右先溫腎脂令煖分三四服立效乳母須禁食并有乳母方在前

千金黃蘗湯

治小兒夏月傷暑寒折大熱熱入

胃下赤白滯如魚腦壯熱頭痛身熱手足煩此太陽之氣外傷於寒使熱氣便入胃也服此方良若悞以利藥下之或以溫脾湯下之則熱劇以利藥下之便數去赤汁如爛肉者或下之不差後以瀉熱藥斷之下既不止倍增壯熱者服之即效或是溫病熱盛復遇暴寒折之熱入腹中下血如魚腦者服之良



痲  
女科

黃檗  
黃連  
白頭翁一作白欵

升麻  
當歸  
牡蠣

石榴皮  
黃芩  
寄生

甘草各壹分  
犀角  
艾葉各壹分

右十二味咬咀以水三升煮取一升二合百日兒

至二百白一服三合二百餘白至暮歲一服三合

半

千金治小兒赤白滯下雜方 薤白壹把豉壹升以

水三升煮取二升分三服 栝葉麻子末各壹升

以水五升煮三沸百日兒每服三合 亂髮灰鹿

角灰等分三歲兒以水和服三錢七日 牛角

鯁灰水和服三方寸七 搗石榴汁服之 燒蜂

房灰水和服之 生地黃汁白蘘荷根汁各伍合

微火上煎 單服生地黄汁一合

聖惠吳藍散 治小兒膿血痢如魚腦腹痛

吳藍  
川升麻  
赤芍藥

龍骨各壹兩  
梔子仁半兩

右件藥搗麤羅為散每服一錢水一小盞入豉三

七粒煎至五分去滓不計時候量兒大小分減溫

服

小兒膿血相雜  
切斗七  
一百三



樗根皮散 治小兒膿血痢如魚腦困重

臭樗根皮

壹分判 炒微黃

枳殼 去瓢 炒微黃

黃連

去鬚 微炒

燕美

微炒

赤芍藥

各半

右件藥搗羅為散每服一錢以水一小盞入豉三十粒葱白一莖煎至六分去滓不計時候量兒大小分減溫服

人參散 治小兒膿血痢多時不差腹痛羸瘦不欲飲食

人參

去蘆 頭 炒

當歸

微炒

地榆

微炒

阿膠

搗碎 炒 令黃燥

黃連

微炒

子芩

黃檗

微炒

赤芍藥

蕪荑

微炒

厚朴

去麁皮 塗生薑汁 炙令香熟 各半兩

右件藥搗羅為散每服一錢以水一小盞入薤白一莖豉五十粒煎至五分去滓不計時候量兒大小分減溫服

雞屎礬丸 治小兒膿血痢不差漸加瘦弱

雞屎礬

燒灰

龍骨

阿膠

搗碎 炒 令黃燥

黃連

去鬚 微炒 各壹兩

胡粉

壹分炒 微黃

右件藥搗羅為末煎醱醋為膏和丸如菽豆大每服以煖漿水下七九日三四服量兒大小以意加



減

養生必用黃連阿膠丸 治熱痢下重膿血疼痛腹中痛不可忍老人產婦虛勞人小兒並宜服

黃連

去鬚壹兩半

白茯苓

白芍藥

阿膠

杵碎慢火炒如珠子白

右三物為細末斟酌米醋多少熬膠得所和氣入白杵萬下象手丸如菽豆大每服自二十九為始止於五十九食前溫米飲下日二三以知為度未知加藥更丸一等如黃米大與小兒服燔髮散 治腸澼下膿血

白石脂

壹分

髮

燒

甘草

炙各壹分

右為末米泔和二方圭日二服

張渙建胃丹

治泄利兼膿血日漸羸瘦

黃連

壹兩去鬚微炒

白礬

壹分枯

烏梅肉

炒

龍骨

白石脂

神麩

炒

乾薑

各半兩

右件搗羅為細末醋煮麩糊和丸黍米大每服十粒米飲下量兒大小加減

青橘丹

治冷熱相交赤白相雜膿血

青橘皮

湯浸去白焙

當歸

湯洗焙

黃連

以膿血相雜

刀斗

二



乾薑各壹兩

厚朴生薑製

肉豆蔻各半兩

右件搗羅為細末白麪和丸黍米大每服十粒米飲下食前

長沙醫者王允傳通神丸 治小兒大人痢疾下膿

血裏急腰重臍腹疼痛

沒藥

五靈脂

乳香各研細炒壹錢

巴豆染救去皮心膜壓出油

右四味同研令細勻滴水為丸如粟米大每服一  
粒生木瓜研水下不拘時候

**五色痢**形證論歌曰五色之痢最多端見此方知有

五般青色只因驚積聚黃多食積在脾間白色冷虛  
腸胃患赤為積熱最難安雞肝隱積多成片黑血相  
和不易安居搖胸高兼露齒臉紅筋出每居前急安  
藏府和湯散醫者留心按古賢 又歌曰五色之痢  
莫言奇四歲之前始有之青色只因驚積聚黃因食  
積毒於脾赤黑已知心腎病白多殘害是脾為三七  
以前無變動休令多睡飲餐遲 此疾且須和五藏  
補榮衛方漸漸安瘡如目腫不進飲食楊云是惡候 只與  
調胃散補之

漢東王先生鮓湯丸 治小兒瀉痢五色膿血如爛

五色痢

治小兒

瀉痢



魚腸竝無大便只是膿血腸中攪痛

粉霜

輕粉

硃砂各壹錢

朱砂抄壹錢

白丁香匙抄肆錢

乳香半錢別研

巴豆米粒去皮心不出油

右為末蒸棗肉丸每服嬰孩三九如粟米大二三

歲如大麻子大四五歲亦如麻子大竝旋總成丸

煎鮮湯吞下一日二服間調胃氣藥與之

三十六種內治下五色惡物心神煩熱不止方

地榆

白茯苓

黃蘗各壹兩

右為末每服一錢水一盞煎至五分去滓分三服

三霜丸 治小兒赤白或五色積痢

巴豆

去皮揀選白色肥好者叁錢研細先用白紙包外面包定太在

壓令油盡取貳錢輕者為用真輕粉

粉霜各貳錢

右三味同研勻極細別取好黃蠟叁錢酒煮三二

十沸取出去酒令淨再鎔入藥和之如有煮酒蠟

亦堪用和成劑油單內盛如服食旋丸如小菘豆

大三歲以下如粟米大每服三五丸溫熱水下量

兒大小加減

吉氏家傳治五色痢兼渴不止方

茯苓

宣黃連

黃蘗各等分



右件取黃蘗末以漿水如麩糊良久和前二味爲  
至聖丸治五色痢

厚朴去皮薑製 黃蘗略去皮以雞子白塗炙黃熟如乾再

當歸酒浸

右三味等分細末煉蜜爲丸如梧桐子大小兒細  
丸厚朴湯下每服四十九丸加減

定粉散 治疳痢五色痢

定粉 龍骨 黃丹煨過各貳錢

訶子參薑煨熟取肉

右爲末每服半錢粥飲下三歲以上半錢

**噤口痢** 石蓮散 治小兒噤口痢噤逆不食止而復

作

蓮肉去心炒

右爲末每一錢米飲調服一方用山藥爲末米

飲調下亦可

香脯散 治小兒刮腸下痢噤口不食閉眼合口至

重者

精豬肉壹兩薄批 膩粉

右將肉於炭火上慢炙旋鋪膩粉炙令成脯每以

可

刀

一



少許與喫如未知喫且放鼻間自然要喫此方治  
胃口有毒至奇至妙

丹小兒噤口痢釀乳法

厚朴

枳殼各伍分

白朮

芍藥各半兩

滑石壹兩

木通

陳皮

甘草各伍分

右分四貼細研桃仁柒枚水二盞半煎取一盞與  
每服服時去宿乳令盡為妙

休息痢肘後治下痢經時不止者此成休息方

取龍骨炙令黃焦搗服方寸匕日三服即愈

又方

用龍骨肆兩搗如小豆大水五升煮取二升半冷  
之分為五服效

保生信效松焙餅子 治一切塊癖積滯氣血痠聚

等一二十年者

細墨焙

羌花醋浸炒

青礞石

大戟

乾漆炒

五靈脂

京三稜

蓬莪茂

蜜陀僧

陳橘皮去白

牡蠣燒各半兩

巴豆壹兩去皮用濕紙卷

處家燒紙焦止

大乾棗拾肆箇去核燒存性



白丁香

硃砂研

蝨蟲去翅足

斑猫各壹分

右同為細末醋者麩糊丸如皂子大捏作餅子記以所傷物煎湯或麩湯送下一丸須以齒齧嚥之其積漸漸移近下再服再覺移下更一丸則積自下若尋常要宣轉只以麩湯下血積塊癖經血閉塞大人小兒久痢膿血休息惡痢皆治之  
玉命丹 治小兒久患赤白痢及休息痢不止腹肚虛鳴日漸羸瘦搏眉多喫泥土可食者  
硫黃研 蜜陀僧 黃丹各半兩

寒水石

白礬

赤研勻細

麝香

各研貳兩用新瓦餅子入五味用鹽泥同濟煨令通

右件六味研勻以蒸餅為丸如小菽豆大每服十粒用烏梅甘草煎湯下大小加減忌生冷毒物鮓麩等

**蠱痢**巢氏病源小兒蠱毒痢候歲時寒暑不調而有毒厲之氣小兒解脫為其所傷邪與血氣相搏入於腸胃毒氣蘊積值大腸虛者則變痢血其痢狀血色蘊瘀如雞鴨肝片隨痢下此是毒氣盛熱食於人藏狀如中蠱故謂之蠱毒痢也 石壁經脾毒痢歌曰

蠱毒痢

四十七

三



脾間有毒號純陽本為醫人熱藥傷致使大腸多結  
澀多饒滴血在粘腸如風腹閉難開眼身熱頭溫脚  
轉涼舌赤胸高為此候多喘喘急更如狂先須解熱  
并開胃便是明醫用藥良此脾受熱積失治則伏  
毒治當涼脾次去其積若胸前骨忽然高者更加喘  
急則不治也鳳髓經歌同有注云宜與金華散實  
香連丸龍吉氏香連丸見前條形證論風毒痢歌入痢之中  
風轉難形如青草汁多般毒風豆汁添邪熱胃敗雞  
肝片片金加赤不須先下積閉眸食絕不堪看若歸  
白痢還須下藏府頻溫得本源

千金治下血狀如雞肝腹中攪痛難忍號蠱毒痢方

茜根 升麻 犀角各參兩

桔梗 黃蘗 黃芩各貳兩

地榆 白蘘荷各肆兩

右八味咬咀以水九升煮取二升半分三服此蠱  
痢血用之小兒分減服

圖經治蠱痢方

側柏葉焙乾為末 川黃連等分

右二味同煎為汁服之以療男子婦人小兒大腹  
下黑血茶脚色或膿血如淀所謂蠱痢者治之有



殊効又能殺五藏蟲

子母祕錄小兒蠱毒痢方

右用生地黄汁一升二分三四服立效

聖惠蘘荷散 治小兒蠱毒痢不止身體壯熱煩悶

白蘘荷根

川升麻

敗鼓皮

甘草

乾藍葉

赤芍藥

犀角屑

右件藥搗麤羅為散每服一錢以水一小盞入鼓二七粒煎至五分去滓不計時候量兒大小分減溫服

聖惠黃連散 治小兒蠱毒痢血體瘦

黃連

敗鼓皮

白頭翁

甘草

藍青

犀角

白蘘荷根

黃芩

茜根

右件藥搗麤羅為散每服一錢以水一小盞煎至五分去滓放溫不計時候量兒大小分減服之

聖惠犀角散 治小兒蠱毒血痢發盛心神煩悶腹

脹不欲飲食

犀角

白蘘荷根

地榆

桔梗

蘇枋木



右件藥搗麤羅為散每服一錢以水一小盞煎至五分去滓不計時候量兒大小分減溫服  
嬰孺藜荷根湯 治小兒蠱毒痢

白藜荷根

捌分

犀角

屑

穀皮

肆寸

升麻

拾分

甘草

肆分

藍青

壹升

豉

叁合

芍藥

柒分

右以水四升煮一升二合二歲兒為三服

嬰孺犀角煎 治小兒穀痢拔毒

地脉草

黃連

葳蕤

各拾

黃檗

竹茹

茜草

各捌

蜜

壹升

人參

陸分

牡蠣

拾分

梁州樺皮

拾肆分

乾藍

肆分

犀角

屑

甘草

各五分

右切以水一斗煮及二升半絞去滓下蜜火上煎餘二升三歲一合三四歲一合半日一夜一量與之

張渙白頭翁散

治蠱毒痢及肛門勝出

白頭翁

黃連

去鬚

茜根

剉焙

蘇枋木

故舊鼓皮

炙令黃焦

犀角

地榆

炙判各

甘草

壹分



右件搗羅為細末每服一錢水一小盞煎六分去滓服量兒大小加減乳食前

地榆丹 消毒止痢 黃連 乾藍葉

川升麻 各壹兩 川棟子 苦棟根 各半兩

右件搗羅為細末軟飯和丸黍米大每服十粒米飲下量兒大小加減乳食前

宣連丸 治毒痢

宣連 壹錢錢作散用雞子清和作餅於瓦上燒乾再為末 肉豆蔻 壹箇去心臍肉 朱砂 紙裹火煨黃色

木香 各半錢 杏仁 柴粒和皮燒 巴豆 肆粒燒柴粒亦得

右為末醋糊丸如蘿蔔子大陳米飲下七粒赤痢槐花湯下

寶童方 治藏毒痢為與諸藥不愈者

槐花 半兩 白礬 壹兩

右為末每服一錢用陳米飲下

孔氏家傳治蠱小品方

取薺草根搗末以飲服方寸七立差 一方可入地榆臭椿根同服

收溼雙金飲 治下痢赤白晝夜頻數及泄瀉經久



痢

公科

百五

大罌粟殼去蒂剉碎蜜水炒透候乾壹兩

大川芎生剉碎醇醋炒透

右二味再曬或焙為末每服一錢至二錢用古米清湯空心調服或溫蜜湯下

萬金散 治水瀉下痢久不瘥者

罌粟殼去蒂貳兩一兩剉碎

甘草不去節貳兩一兩

生用陳皮去白貳兩

烏梅和核壹兩

右碎每服二錢熱湯一盞略煎一沸和米傾出盤內上以蓋蓋定候澄清去渣空心溫服

神效散 治赤白痢晝夜頻數食減腹痛小便不利

罌粟殼去蒂剉碎

白芷

烏梅和核各壹兩乳香

撫芎各半兩

右碎每服二錢水一盞煎七分空心溫服

補養補中益氣湯虛熱

四君子湯吐瀉

六君子湯吐瀉

果功散吐瀉

參苓白朮散不乳食

升陽益胃湯

黃耆貳錢

半夏

人參

甘草炙

白朮

黃連炒各壹錢

獨活

防風

白芍藥

切補按

刀半

百五



羌活 各伍分

柴胡

陳皮

澤瀉 各叁分

茯苓

右水二鍾薑三片棗二枚煎四分食遠服

*[Faint bleed-through text from the reverse side of the page, including characters like 六, 水, 白, 木, 等]*



